

REŠETO

ŠALJIVI LIST

DVA BRATA.

Ja znam dragi moji poštteni Splićani, da će vas začuditi ova dva za Split nova imena, ali vaja da znate otkad je pala ona nesrična Austrija, da se je sve prominilo: ča je bilo muško, sad je žensko, a ča je bilo žensko sad je muško. Tako i ova dva brata, prija pod Austrijom uvik su skakali proti vladi a sada otkad smo se (oslobodili) ne govori ništa, ven samo čitaš dikod u onome foju ča se „Život“ di pitadu da jin se da kruva, pa ferate, pa da jin se učini put, pa jopet da se zatvori Kotaraša, pa sad ovo, sad ono, pasti sto glogov a ča mislidi joni da je samo za nji pala Austrija i za onoga profesura ča je šnjima u šociji, a ne vididu da jema i drugoga svita ča se još ni oslobodi njanka od austrijskog kukuruza a kamoli od slobode.

Ako oni plaćaju krv bili po 15 K, plaćamo i mi kukuruz po 8 K, pa neka i oni jidu kukuruza i tako ji neće doć voja da se rugaju u njihovom foju da branidu interes maloga puka a kad tamo su skut i košuja od vlade, ma ča mislidi oni da smo mi inšepjani ka ča smo bili pod austrijom, ala da je bilo. I znate ča bidu još tili da kad budu votu da votamo za nji, ka da bi bi prvi put da su nas privarili. Ala da je bilo šetat po Biogradu ale špale dei . . . nisu više ne ona vrimenta, onda bilo sad se spominjalo. Ja bi ji svitova, da bi jin bilo boje da one pineze ča trošu za dornal, da dadu siromaškome narodu, nego da groše onako u lude, jaznam rečedu oni: „oli su nam pinezi očevi“, ajde da boje van je pri, jer čete se pokajat, jer je Bog reka; „ča možeš daj danas, a ne čekaj sutra“.

Ostavimo sada nji, a promislimo ozbiljno, ako je sadae krv po 15 K onda ove zime će bit najmanje po 30, pa onda govoriđu bunidu se, pasti mrtve jeman 50 Krun na dan a očé mi se dva kila kruva a kako ču ja su 5ff krun kupit dva kila kruva.

Jemaju prav sočalisti sve bumbizavat, jer ka ne godimo mi siromaški puk, nek ne godidu ni oni ča su do jučer bili komesari, a sad jin se toka skitat po sudu radi niki liri, štofe, permeši i ča ti ja znam. Ja bi preporučija vladi da ji stavi u prežun pa da bací ključ u more.

Još ništo u zadnje vrime sam opazija, da su svi kontra Bači. A zašto? Zato jer da Bačo ni počaja trkat nebidu ni oni znali. Bačo i je naučija govorit, oli mislite da bi Smurlaka zna govorit da ga mi Bačo nau-

čija. Oli mislite da bi Oškar i Kolombato-
vič zna onako pisat da ji ni Bačo naučija
a ka tamo svi kontra Bači.

Sadae niki dornal „Grom“ ča će ga
pisat Pilos i Zelenbač i oni proti njemu.
A on bida svakome dobro čini jer je sva-
koga naučija. Pa isto ako je potriba i Fi-
losu i Zetebaču da čé im Bačo skule a
sve mukte. Sada u zadnje jer mi se umori
lapiš preporučam vladi:

1. Neka krv kála na banicu.
2. Neka vino bude 16 šoldi.
3. Neka zatvori one od štofe, liri i falši permeši.
4. Neka potporuje „Novi List“ ka i druge dornale, jer Oškar to i hoće.
5. Neka bude raj na zemji a zemja u raju.
6. Neka dozvoli da mi jimo zecove na Marjan, a ne onu pet šest.

Preporučam da se to ispuni i da se
ne dogodi ka s agrarnom reformom da se
ne zna ni ko pije ni ko plaća. Za sada
dosta. Skakavac.

Bačo pjesnik i antifilezof.

Svršila je gvera, puna svih dižgracija
Evo sada, Bože i tvojega Bača,
Finoga kampjuna, zna svašta i ništa
Da molitvu moli, još je ateista.

Cila se puplika sve to više kvari
Za dižgraciju svita niki ni ne mari
Evo sada Bačo, drugi čovik svita
Da ti Bože, neke pikolece pita.

Vaja kurentati i stara i mlada
Bez ikakve špeže, bez ikakva jada
A to možeš Bože učiniti lako,
Samo slušaj Baču, učini ovako:

Ja znam da ti možeš činit mirakule
Za ono vrime Babilonske kule
Kad si u pustinji razbi ščapom stinu
O! kadu si vodu šalmaštra u vinu.

To su onda bile denjente bravure
A danas bi bile kad nima ni pure
Ča rosadu puštaš sipji granariža
Ča krupicom tučeš, bací vapor biza.

Zanamisto sniga farinele sipji
Da nam bude kruva i više i lipji
Zanamisto strilic i tvoji kaluni
Siplji ka u Ganze lipi makaruni.

Šinjinone naše jemaju sad svega
Sve nacijune svita našeg lipoga
Kad pomisliš malo, kosa ti se ježi
Francuzi, Englezi, Crnac, Japoneži.

A i neki drugi, neznam i za ime
Došli su ti, Bože, ovdod krasti vrime
Nama šinjinone i moja šinjora
Kako mi se pari, jur je našla „Mora“.

Našim šinjinam, ča su pune ric
A i onim ča su vridne i' za mot od tric
Za Božie im daruj za najlipji vic
Po par krodegini, oli kobasie!?

A za Baču tvoga, čini ka Mojsije
Razbi ščapom stinu nek se vino lije
Da ga piti mogu po danu i noći
Pa čé onda drugo sve u redu poći.

Ovako nam triba svit rimodernat
Mirakule činit, ne uzarju svirat
Više ti nepitam daj nam ovo malo
Ako tije puno — ni mi je ni stalo.

Ja manje ne mogu nisam špekulante
Nego žurnališta slavni Bačo Ante.

Granda liforma u Kaštile

Ma ča ovi svit misli triti tegetofa gospo-
darima neda nikor ništa.

Gospodar je uzora a težaci posaditi,
doša gospodar pa govori matunu a ča si ti
sta ovdod da paličuješ kako je tebe voja,
ma znaš i ja jeman po koji starinski dirit?
Matun znam da si jedan put jema dirita ali
sada očemo mi težaci da bude naša zemja
jer ja je radim i nikor drugi, a ti nisi uzara
zemlju nego Bravi i Voli. Vanka gloga ti
čaćina jubin, dat čé Van. težačka sloga.
Gospodar čé Fabjanu a ja ču sutra doć ra-
dit ka iti pa jonda čé mo vidit ko jema
višu prasicu.

Duje stoti isufrsti čaćini? Gospoda mu
govori jemaju pravo da si strašni Duje: Na
to se gospodar najidi i izguli bidnom Duji
svu lozu. Nato se Duje najidi i ti je dat
gospodaru jednu po čunkalu da ga ni ferma
susid Marin, i govori gospodaru, dobroje,
doće jematva ka uzdrija grozje pa ko prin
ustane oni čé i otrgat.

Gloga Vam vašega poslali stenam nike
repetacijune t. j. apetacijune 6 talijanskom
jeziku oli nimate buletini pa da ji učinite
na jervaski stoti glogoj najidi se Duji pa
repetacijunom otle.

A gospodar čé Duji naša je zemja? A
Duje čé gospodaru naša je ko radi onoga
je, ne može je ni Bog otet. Či je je ovo,
čijovo, čije je ovo tlo?

Muk

Kada žena najmanje govori?
U veljači jer je najmanje dana.

Svrdal.

Nesričnoga čovika.

On je mršav ka da nikad ništa ne
okusi, obučen je sasvim slabo a postoli mu
se smiju — naprotiv žena mu prominuje
veštite svake šetimane, svaku je večer u
kino, u trajatar i na sve divertimente a uvik
ništo ji obimama a debela je ka kasa i ne-
ćemo daje. On sad otvara jopet butigu za
Penine kuće — je ga pametan.

Svrdal.

SITNE VJESTI.

Nek popovima dadu žinitbu a tiro tre i tada ću mirovati. Oškareto.

Nek mi dotur Pecoli isposluje još 3000 lira i tada ću postati bogatiji.

Lorenzo poduzetnik.

Ako se prominu stvari, jopet ću stare pisme pivati. Dragomir Crni.

Jeman kanarina, pa nima zla ako sam naša zaratinku. Pop Marketo.

Sedan je smrtni grijov, a nas sedmero braće, ali za jemat svaki svoj dil, tilo bi se da bude 77777 tisuć griji.

Don Marko.

Doklen težaci ne budu davali gospodarima plodove, nebi jemali ni mi plaćat fite. Getari.

Ako na se ne pošalje da u Zagoru podučavamo mi ćemo iz patriotizma svi u štrajk. Splitski učitelji.

Kada je nas preko polovica na dopust i imademo drugo namještenje, mislimo da smo najbolji patrijoti.

Akademičari Arbanasa.

Prije sam se podpišivao k. k. Dvorski nabavljač — Savjetnik trgovačke komore — Veletrgovac — a sada na prosto.

Franjo iz Muća.

Šibenske vijesti.

Na 10. XI. sazvače popovi u Šibeniku svoju skupštinu, na istoj skupštini bili su svi prisutni jer se je ticalo narodnoga prava. Otoj skupštini nisu prisustvovali pravoslavni popovi jer uni imaju svoju ženu pa pa bi se onda sve znale tajne i zbog toga nisu ih pozvali na skupštinu.

U dvorani se sakupiše mnogo popova, fratar, manjurica, koludrica i t. d.

Između njih uzme riječ Kanonik don Vice, ostali umukoše. Mi pastiri i nasljednici Hristovi dužni smo da čuvamo naše svetinju i našu vjeru da se je dizalo tijelo Hristovo i toliko molitava rečeno za naše heroje koji polažiše na bojno protiv naših dušmana.

Dušmanin talijanac na otim sretnim mjestima sagradi za ka ka — — — i pi pi — — — Moguli vaša srca kršćanska da to podnesu takovo djelo.

Mi danas sa ove skupštine upravljamo protest na Općinsko Upraviteljstvo da se sruši čim prije, jer inače nastaje viši događaji nego na sve Svet.

Gosp. Upravitelj Opštine primio je ovaj protest, te dade srušiti odmah.

Na toj sjednici zaključio se da se taj Oltar ima ponovo posvetiti imenom Franje Josipa i šo na dan njegove smrti, i tako će Šibenik da proslavi i taj dan uz sudjelovanje svih počasnih društava.

Na ovaki način izjem spomen plocu na vjeke do vjeka.

(Uredništvo ne odgovara).

Oda Grgi i Mandi.

Vrti Grgo sa Mandinom tvojom

Ona piše u zlatne fojove,

Nosom prati stari Grgo Čale

Ručicu lagantnu mlade naše Mande

„Balaj Balaj niko ne popravlja samo fali kogina kapica“.

Drodor.

Ča kome fali u Šibeniku i ono ča im gre.

Kamarjeru Amerikan Bar — Manje sile sa kakutom ala Angliž.

Didocu de B. — Nestašica Bunde i Dinara a mora se povratiti na prvi zannat jer mu je bufet bankrotira.

Jeri M. — Gluvi povratak iz Splita potpuno zdrav.

Pivalu Jakiši — prvi tenor u Mjesto.

Mariju M. — Zaruka na brzu ruku radi vojništva.

Šimi O. — još par plesačica da nauči govoriti tuđeški i mađarski.

Bepu Z. — Prispjeli Dolari iz Tvornice Majdan.

Vici N. — Postao sretan sa prvom ljubavi.

Josi Č. — Poći u Drniš upoznati se sa g. cem Prednjašicom iz Spiita a na Plesu je nastala ljubav, i ostavio ne ljepotice mjesta.

Ivi R. — Produljenje bafa jer se sprema na vjenčanje.

Oškaru K. — Ostaje u Mandaleni i radi od jutra do mraka, jer se hoće puno dinara za ženidbu. a skava tri metra apštant od zaručnice da ih nebi struja električna pritegla.

Mici M. — Na prozor cvdje se upisuju članovi društvo Sport Predsjednik Miće M.

Djakometu M. — Svake nedilje poći u crkvu uz Jakova koketirati curu koja je ljepša.

Frani M. — Brza pruga za poći u Dolac viditi g.đicu M. M.

G.đici Vilson — Svaku večer nova drama u Kino prešentacija ljubavi.

Didocu de B. — Posta egoit da uzmogne kupiti Amerikan Bar jer mu je sramota biti bivši gazda a sada konobar.

G.đici Zorki K. — Već treći mjesec da čeka povratiti se na prošli život a još će čekati 15 godina 15 mjeseci 15 dana 15 časa i 15 sekundi i tek onda će postati kao i uvijek.

VIJESTI IZ SINJA.

Sa igraltiša.

Sa veseljem na zaba i
Gde se danas i puf slavi,
Uz društvance naše dođe
Dve po izbor kolovođe
Lufinspektor i Berdista
Al obadva srca čista.
Naučeni i pripravn
Započeše duet slavni . . .
Berdist berdom glasno začu
Da izvađa akord jače,
Te započe u tom stilu
Da basira prot pravilu.
Luftinspektor ljutiti posta
I zaviknu: „stani, dosta;
Jer ta nota dobra nije
Za izvedbu harmonije;
Odsle moraš svirat samo
Kad dozvolu mi ti damo“.
Berdist srdit na to plane
I lupali berdom stane,
Po leđima i po glavi
Htijuć da ga živa smlavi
Usljed krize uslijed jada,
Sav se šešir raskomada,
Dok petrolje lišo prođe
U žepima kolovođe.

Odgovorni urednik: JOVO PUPOVAC.

Glavni saradnik: ANTE RUŽIĆ-BAČO.

Tiskara E. VITALIANI — ŠIBENIK.

Za oglasni cijeni obratiti se Bači. Administracija Usred Geta br. 4.

Narodu na znanje! Stoj!

Križeva ulica br. 7.

Prodaja rakije, likera, vina uz najpovoljnije cijene, kao i na veliko.

KONCERTIRA TAMBURAŠKI ZBOR

VIJOLINA

sa poštovanjem
JOVO PUPOVAC.

SVI TRČITE!!!

Kavana „ISTRA“ Šibenik
Dnevno Varieté, Koncert,
:-: zabava za svakoga. :-:

ULAZ BEZPLATAN!!!

„TONKA“

Jedini bogati brijački salon iz kojega se izlazi lip ka rusula

TRČU SVE U ŠESNAEST!

OGLAS.

Čast mi je javiti štovanom građanstvu da sam otvorio prodaju mog vlastitog vina u podrumu Arcidiakonova ulica br. 4

VINO PRVE VRSTI

Do Kr. 20 litra.

Preporučam se za što brojniju poslužbu te se bilježim

sa veštovanjem
ANTE MATKOVIĆ.

NOVO OTVORENA
:-: AUTO-GARAGE :-:
Š. BIOČIĆ
SPLIT
Marjanska cesta br. 7. - Telef. 284.

KNJIŽARA FILIP BABIĆ
ŠIBENIK

PRIJE HRVATSKA KNJIŽARA - ZADAR

Potpuno skladište knjiga na našem i stranim jezicima. — Tvorničko skladište papira uz najjeftinije cijene. — Sav pribor za urede, općine i škole. — Skladište školskih knjiga i Kr. Zemaljske naklade u Zagrebu. — Prina pretplale na stručne i periodične časopise svakog jezika i struke. — Muzikalije svake vrsti.

Zahtjevajte čijenike papira i popis knjiga, — Cijenik za urede.

SALAMON DRUTTER
ŠIBENIK.

TRGOVINA: CIPELA ODIJELA I :-: RUBLJA :-: